

那先經卷下

驚十一

失譯附東晉錄

王復問言無有復勝佛者耶那先言然無有勝佛者王復問何以知為無有勝佛者那先問王言如人未曾入大海中寧知海水為大不有五河河有五百小河流入大河一者名

乙

却刊

恒二者名信他三者名私他四者名諱又王者名施披夷余五河水晝夜流入海海水亦不增不減那先言王寧能聞知不王言實如那先言以得道人共道說無有能勝佛者是故我信之王言善哉王復問那先何用知無有能勝佛者那先問王造作書師者為誰王言造書師者名質那先言王寧曾見質不王言質以死久遠未曾見那先言王未曾見質何用知質為造書師王言持古時書字轉相教告用是故我知名為質那先言用是故我曹見佛經戒如見佛無異佛所說經道甚深使人知佛經戒已後便轉相教用是故我知

受新身

為無有能勝佛者王復問那先自見佛經道可久行之那先言佛所施教禁經戒甚使當奉行之至老王言善哉王復問那先人死已後身不隨後世生耶那先言人死已後更受新身故身不隨那先言譬如燈中炷更相然故炷續在新炷更然人身如是故身不行更受新身那先問王王小時從師學書讀經不王言然我續念之那先問王王所從師受經書師寧復知本經書耶悉舊得其本經書王言不也師續自知本經書耳那先言人身如此置故更受新身王言善哉王復問那先審為有智無那先言無有智那先言譬如人盜他人果菰盜者寧有過無王言有過那先言初種栽時上無果菰何緣盜者當有過王言設不種栽何緣有果是故盜者無狀那先言人亦如是用今世作善惡生於後世更受新身王言人用是故身行作善惡更新善惡所

在那先言人諸所作善惡隨人如影隨身人
 死但亡其身不亡其行譬如然火夜書火滅
 其字續在火至復成之今世所作行後世成
 如受之如是王言善哉王言那先寧能分別
 指視善惡所在不耶那先言不可得知善惡
 所在那先問王樹木未有果時言寧能分別

驚上

二

指視言其枝間無有果寧可豫知之不耶王
 言不可知那先言人未得道不能豫知善惡
 所在王言善哉

王復問人當於後世生者寧能自知不那先
 言其當生者自知王言何用知之

那先言譬如田家耕種天雨時節其人寧豫

知當得穀不王言然猶知當得穀多那先言
 人亦如是人當於後世生豫自知王言善哉
 王復問那先審有泥洹無那先言審有王言
 那先寧能指示我佛在某處不那先言不能
 指示佛在某處佛以般泥洹去不可得指示
 指示見處那先言譬如人大火以即滅其

火火寧可復指示知光所在不王言不可知
 處那先言佛以般泥洹去不可復知處王言
 善哉王復問那先沙門寧自愛其身不那先
 言沙門不自愛其身王言如令沙門不自愛
 其身者何以故自消息卧欲得安溫輒飲食
 欲得美善自護視何以故那先問王言寧曾

入戰鬪中不王言然我曾入戰鬪中那先言
 在戰鬪中曾為刀刃箭所中不王言我曾頗
 為刀刃所中那先問王刀刃矛箭瘡奈何王
 言我以膏藥綿絮裹耳那先問王言王為愛
 瘡故以膏藥綿絮裹耶王言我不愛瘡那先
 言殊不愛瘡者何以持膏藥綿絮裹以護之

驚上

三

王言我欲使疾愈耳不愛其瘡那先言沙門
 亦如是不愛其身雖飲食心不樂不用作美
 不用作好不用作肌色趣欲支身體奉行佛
 經戒耳佛經說言人有九孔為九牙瘡諸孔
 皆臭處不淨王言善哉王復問那先佛為審
 有三十二相八十種好身皆金色有光影耶

那先言佛審有三十二相八十種好皆有金色有光影王言佛父母寧復有三十二相八十種好身皆金色有光影耶那先言佛父母無是相王言如使父母無是相者佛亦無是相王復言人生子像其種類父母無有是相者佛定無是相那先言佛父母雖無是三十

二相八十種好身金色者佛審有是相那先問王王曾見蓮華不王言我見之那先言此蓮華生於地長於泥水之中色甚香好寧復像類泥水色不王言不像類地泥水色那先言雖佛父母無是諸相者佛審有是諸相佛生於世間長於世間而不像世間之事王言

善哉王復問那先佛審如第七天王梵所行不與婦女交會不

那先言然審離於婦女淨潔無瑕穢王言假令佛如第七天王所行者佛為第七天王梵弟子那先問王第七天王者有念無念王言第七天王梵有念那先言是故第十天王梵

及上諸天皆為佛弟子那先問王言鳥鳴聲何等類王言鳥鳴聲如鴈聲那先言如是鳥為是鴈弟子各自異類佛亦如是非第七天王梵弟子王言善哉王復問那先佛寧悉學知奉行經戒不那先言佛悉學知奉行經戒王言佛從誰師受經戒

那先言佛無師佛得道時便悉自知諸經道佛不如諸弟子學知佛所教諸弟子皆當奉行至老王言善哉王復問那先人父母死時悲啼哭淚出人有聞佛經亦復悲啼淚出俱淚出寧有別異不那先言人有父母啼泣皆感恩愛思念愁憂苦痛此曹憂者愚癡憂耳

驚十一

四

其有聞佛經道淚出者皆有悲哀之心念世間勤苦是故淚出其得福甚大王言善哉王復問那先以得度脫者未得度脫者有何等別異那先言人未得度脫者有貪欲之心人得度脫者無有貪欲之心但欲趣得飯食支命耳王言我見世間人皆欲快身欲得美食

無有厭足那先言人未得度脫者飯食用作榮樂好人得度脫者雖飯食不以爲樂不以爲甘趣欲支命王言善哉王復問那先人家有所作念久遠之事不那先言人愁憂時皆念久遠之事王言用何等念之用志念耶用念念耶那先問王言寧曾有所學知以後念之不王言然我曾有所學知以後復忽忘之那先言王是時無忘耶而忘之乎王言我時妄念那先言可差王爲有象王復問那先人有所作皆念如甫始有所作今見在所作皆用念知耶那先言已去之事皆用念知之今見在之事亦用念知之王言如是人但念去事不能復念新事那先言假令新者有所作不可念者亦如是王言人新學書技巧爲唐捐耶那先言人新學書畫者有念故令弟子學者有知是故有念耳王言善哉王復問那先人用幾事生念耶那先言人凡有十六事生念一者久遠所作生念二者新有所學生

驚十一

五

念三者若有大事生念四者思善生念五者曾所更苦生念六者自思惟生念七者曾雜所作生念八者教人生念九者像生念十者曾有所忘生念十一者因識生念十二者教計生念十三者負債生念十四者一心生念十五者讀書生念十六者曾有所寄更見生念爲十六事生念王復問那先何等爲念久者那先言佛弟子阿難女弟子優婆夷鳩離單罷念億世宿念時事及餘道人皆能念去世之事如阿難女弟輩甚衆多念此以便生念二王復問何等爲新所學生念者那先言如人曾學知校計後復忘之見人校計便更生念三王復問那先何等爲大事生念者那先言譬如太子立爲王自念爲王豪貴是爲大事生念四王復問那先何等爲思善生念者那先言譬如爲人所請呼極善意賓遇待之其人自念言昔日爲某所請呼善意待人是爲思善生念五王復問那先何等爲更苦

生念那先言譬如人曾爲人所搥捶閉繫牢獄是爲更苦生念六王復問那先言何等爲自思惟生念者那先言譬如曾有所見若家室宗親及畜生是爲自思惟生念七王復問那先言何等爲曾雜所作生念者那先言譬如人名万物字顏色香臭甜苦念此語事是爲雜生念八王復問那先言何等爲教人生念者那先言人自喜忘邊人或有者或忘者忘爲教人生念九王復問那先言何等爲像生念者

那先言人牛馬各自有像類是爲像生念十王復問那先言何等爲曾所忘生念者

那先言譬如人卒有所忘數數獨念得之是爲曾所忘生念十一王復問那先言何等爲因識生念者

那先言學書者能求其字是爲因識生念十二王復問那先言何等爲校計生念者那先言如人共校計成就悉知策術分明是

爲校計生念十三王復問那先言何等爲負債生念者

那先言譬如顧鼓所當債歸是爲債局生念十四王復問那先言何等爲一心生念者那先言沙門一其心自念所從來生千億世時事是我爲一其心生念十五王復問那先言何等爲讀書生念者

那先言帝王有久古之書念言某帝某年時書也是爲讀書生念十六王復問那先言何等爲曾有所寄更見生念者那先言若人有所寄更眼見之便生念是爲所寄生念王言善哉王復問那先言佛寧悉知去事甫始當來事耶那先言然佛悉知之王言假令佛悉知諸事者何故不一時教諸弟子何故稍稍教之那先問王國中寧有醫師無王言有醫師寧能悉知天下諸藥不王言能悉識知諸藥那先問王其醫師治病爲一時與藥稍稍與之王言人未病不可豫與藥應病乃與藥耳那

先言佛雖悉知去來見在之事亦不可一時
悉教天下人當稍稍授經戒令奉行之耳王
言善哉

主復問那先卿曹沙門言人在世間作惡至
百歲臨欲死時念佛死後者皆得生天上我
不信是語復言殺一生死即當入泥犁中我

驚十一

七

不信是語那先問王如人持小石置水上石
浮耶沒耶王言其石沒那先言如今持百枚
大石置船上其船寧沒不王言不沒那先言
船中百枚大石因船故不得没人雖有本惡
一時念佛用是故不入泥犁中便得生天上
其小石沒者如人作惡不知佛經死後便入

泥犁中王言善哉王復問那先卿曹用何等
故行學道作沙門那先言我以過去苦現在
苦當來苦欲棄是諸苦不欲復受更故行學
道作沙門王復問那先苦乃在後世何為豫
學道作沙門那先問王王寧有敵國怨家欲
相攻擊不王言然有敵國怨家常欲相攻擊

也那先問王敵主臨來時王乃作鬪具備守
掘塹耶當豫作之乎王言當豫有儲待那先
問王用何等故豫作儲待王言備敵來無時
故那先問王敵尚未來何故豫備之那先復
問王飢乃田種渴乃掘井耶王言皆當豫作
之那先言尚未飢渴何故豫作調度王言善
哉王復問那先第七梵天去是幾所那先言
甚遠令石大如王殿從第七梵天上墮之六
月日乃墮此間地耳王言卿曹諸沙門言得
羅漢道如人屈伸臂頃以飛上第七梵天上
王言我不信是行數千萬億里何以疾乃尔
耶那先問王王本生何國王言我本生大秦
國國名阿荔散那先問王阿荔散去是間幾
里王言去二千由旬合八万里那先問王頗
曾於此遙念本國中事不王言然恒念本國
中事耳那先言王試復更念本國中事曾有
所作爲者王言我即念已那先言王行八万
里反復何以疾王言善哉王復問那先若有

兩人於此俱時死一人上生第七梵天一人
生罽賓去是七百二十里誰爲先到者那先
言兩人俱時到耳王言相去遠近大多何以
俱至那先問王試念阿荔國王言我已念之
那先復言王試復念罽賓王言我已念之
那先問王念是兩國何所疾者王言俱等耳

驚上

那先言兩人俱死一人生第七梵天上一人
生罽賓亦等耳那先問王若有一雙飛鳥一
鳥於大樹上止一鳥於小卑樹上止兩鳥俱
止誰影先在地者王言其影俱到地耳那先
言兩人俱死一人生第七梵天上一人生罽
賓亦俱時至耳王言善哉王復問那先人用
幾事學知道那先言用七事學知道何等爲
七一者念善惡之事二者精進三者樂道四
者伏意爲善五者念道六者一心七者適遇
無所憎愛王復問那先人用此七事學知道
耶那先言不悉用七事學知道智者持智別
知善惡用是一事別知耳王復問那先假令

用一事知者何爲說七事那先問王如人持
刀著鞘中倚壁刀寧能自有所割截不王言
不能有所割截那先言人心雖明會當得是
六事共成智耳王言善哉王復問那先人家
作善得福大耶作惡得殃大耶那先言人作
善得福大作惡得殃小人家作惡日自悔過

是故其過日小人作善日夜自念歡喜是
故得福大那先言昔者佛在時其國中有人
机無手足而取蓮華持上佛佛即告諸比丘
言此机手足兒却後九十一劫不復墮入泥
犁中畜生辟荔道中得生天上天上壽終復
還作人是故我知人作善得福大作惡其

驚上

加

人自悔過日消滅而盡是故我知人作過其
殃小王言善哉

王復問那先智者作惡愚人作惡此兩人殃
各誰得多者那先言愚人作惡得殃大智人
作惡得殃小王言不如那先言

王言我國治法大臣有過則罪之重愚民有

過則罪之輕是故智者作惡得殃大愚者作惡得殃小

那先問王譬如燒鐵在地一人知爲燒鐵一人不知兩人俱前取燒鐵誰爛手大者耶王言不知者爛手大

那先言愚者作惡不能自悔故其殃大智者作惡知不當所爲日自悔過故其殃少王言善哉

王復問那先人有能持此身飛行上至第七梵天上及至鬱單越地及所欲至處者不那先言能王言奈何持此身上第七梵天及鬱單越地及所欲至處乎那先問王王寧自念少小時跳戲一丈地不王言我年少時意念欲跳便跳一丈餘地那先言得道之人意欲跳至第七梵天上及至鬱單越地者亦尔王言善哉

王復問那先卿曹諸沙門言有骨長四千里何等身骨乃長四千里那先問王曾聞大海

中有大魚名質身長二万八千里者不王言然有是我曹聞之那先言如是二万八千里魚其脇骨長四千里王恠之爲王復問那先卿曹諸沙門說言我能斷喘息之事王言奈何斷喘息氣耶那先問王寧曾聞志不王言我聞之

那先言王以爲志在人身中耶王言我以爲志在人身中那先言王以爲愚人不能制其身口者不能持經戒者如此曹人亦不樂其身那先言其學道人能制身口能持經戒能一其心得四禪便能不復喘息耳王言善哉王問那先爲呼言海海爲是水名爲海耶用

驚上

十

他事故言海那先言人所以呼爲海者水與鹽參各半是故爲海耳

王復問那先何以故海悉鹹如鹽味那先言所以海水鹹者淡畜以來久遠及魚鼈虫多共清便水中是故令鹹耳王言善哉

王復問那先人得道以寧能悉思惟深奧衆

事不

那先言然人得道以能悉思惟深奧之事那先言佛經最深奧知眾事不可稱量眾事皆智平斷之王言善哉

王復問那先人神智自然此三事寧同各異那先言人神者主覺智者曉道自然者虛空

無有人王復問那先言得人何等為得人者眼視色耳聽聲鼻聞香口知味身知鹿軟志

知善惡之事何所為得人者那先問王如令人能目自視脫瞳子去之視寧廣遠不裂大

其耳聽聲寧廣遠不決鼻令大其聞香寧多不開口令大知味寧多不剝割肌膚寧令信

知鹿軟不拔去其志盛念寧多不王言不也那先言佛在所作甚難佛所知甚妙

王復問那先所作何等甚難何等甚妙那先言佛言能知人腹中目所見事悉能解之能

解目事能解耳事能解鼻事能解口事能解身事能解取事能解疑事能解所念事能解

驚上

上

神事

那先言人取海水含之寧能別知口中水是泉水是某流水是某河水王言眾水皆合為一難各別知那先言佛所作為難皆能別知是諸水味今海水見目前之事王尚不能別知今人神不見人身中有六事不可見那先

言是故佛解之從心念至目所見從心念至耳所聽從心念至鼻所嗅從心念至口知味從心念至身知苦樂寒溫鹿堅從心念有所向佛悉知分別解之王言善哉那先言夜已半我欲去王即勅傍臣取四端氈布搵置麻油中持以為炬當送那先歸恭事那先如事我身傍臣皆言受教王言得師如那先作弟子如我可得道疾王諸所問那先輒事事答之王大歡喜王即出中藏好衣直十萬已上那先王語那先從今已去願那先日與八百沙門共於宮中飯食及欲所得皆從王取之那先報王我為道人略無所欲王言那先當

自護亦當護我身那先言何等當自護及護
 王身王報言恐人論議呼王為慳那先為王
 解諸狐疑而不能賜與恐或人言那先不能
 解王狐疑故王不賞賜王言那先受者當令
 我得其福那先亦當護其名王言譬如師子
 在金檻中猶為拘閉常有欲望去心今我雖
 為國王在官省中其意不樂欲棄國去而行
 學道王語竟那先便起歸佛寺那先適去王
 竊自念我問那先為何等事那先為解我何
 等事王自念我所問那先莫不解我意者那
 先歸佛寺亦自念王問我何等事我亦報王
 何等事那先自念王所問者我亦悉為解之
 念此事至天明明日那先被袈裟持鉢直入
 宮上殿坐王前為那先作禮已乃却坐王白
 那先那先適去我自念問那先何等語那先
 報我何等語我復自念所問那先那先莫不
 解我意者我念是語歡喜安卧至明那先言
 我行歸舍亦自念王為問我何等事我亦為

王說何等事我復自念王所問我輒為解之
 用是故歡喜至明語竟那先欲去王便起為
 那先作禮

士禾

那先經卷下

驚十一

諱又嫁上許反果下音菰反音檻胡減反綿下相慮反絮取穢

上加反鳩下音雛上居求反搥上竹瓜反捶下竹瓜反鞞音搗音

下上漸下七求勿反薛反音荔上蒲開反瞳之委反子上音炬音

狐疑胡上音喘息充上昌反攝烏反困